

TEKSBUKSKE

VEUR DE

11^E VENLOSE REVU

„OCH
D'N OEDEL!“

VAN MATHIEU EN SEF CORNET

OP 19 JANUARI 1946 EN VOLGENDE DAAG
IN DE
STADSSCHOUWBURG, HAERINGERWAEG



MUZIKALE LEIDING:
HARRY VERHAGEN



Costumier: A. SERNÉ & Zn., Amsterdam
Aovendkleier: RIE BORN-CORNET
Grimeur: H. SCHOENMAKERS.

AANLUIP

MOTTO: Enne mins kan vuel verdrage!

Dao zien we dan weer mit ein Venlose Revu, de elfde in de, ein paar kier onderbraoke, serie van jaarlikse revu's euver Venlo zien leef en leid, welke serie we now weer mit frisse mood vaerder zitte, zoëdet ge in 't vervolg eeder jaor taege September de traditioneele Venlose Revu kint verwachte.

Nao vief jaor oorlog en verdrökking waas d'r zoëvuel stof te verwerke, det we d'r waal twie komplette revu's mit hadde kinné völle. We hebbe dus en keus motte doon oet den enorme veurraad, en we hebbe gemeind, 't laeve van de Venlose börgerie in de oorlogsjaore en veural in de winter 1944—1945 houfzakelik van de komische kant te motte bekieke. Leid hebbe we al genog gehad, waat zoele we det nog ens allemaol op haole Det d'r hej en dao toch en ernstig momentje in dees Revu veurkump, kos aevel neet oetblieve.

We zien weer vrej, maar we hebbe allang in de smieze, det 't veur d'n oorlog toch nog en bietje baeter waas as d'r nao. Toen koste tenminste nog wat kriege! Maar now! Och d'n oedel, waat hebbe we os motte behelpe! Toch hebbe we geprobeerd um mit de beperkte middele van now alles zoë good meugelik inein te fiesternölle.

Hej is dan de oorlogs-revu. Smöl d'r van en meuge ze och baeter bekomme dan de Hassan-pap van deze winter!

DE AUTEURS.

IERSTE BEDRIEF.**Aopeningsmarsch** (Harry Verhagen)**1e Tafereel: 1 September 1343**

1e Beeld: Venlo viert fees!

Schout en Schepene, Bōrgers en

Bōrgeresse: Frans Boermans
 Baer Cornet, Baer Brüll, Funs Donné,
 Toos Engels, Corry van Daalen,
 Fientje Linders, Tiny Linders.

Aopeningskoer.

(Harry Verhagen)

Venlo viert vandaag weer fees:

Os dōrp is stad gewaore!
 Door zien groëte dapperheid
 Is Venlo daoveur oetverkaore;
 As 't hiële land bezweek,
 Dan woele wej nog vechte
 Veur d' alde rechte
 Van os jonge stad!

Hulde bringe wej de man,
 Dae Stadsrech os kump gaeve;
 Hulde Hertog Reinoud Twië,
 Hae meuge mit zien vrouw lang laeve!
 Det hae now os Stad bezuk,
 Det gif weer nije glorie
 Aan de historie
 Van os jonge Stad!

2e Beeld: Venlo is Stad gewaore!

Hertog Reinoud II	Jan Timp
Hertogin Eleonora	Bertha Berden-Besouw
Ennen Baoi	Hammie Donné

Duet:

Venlo waar os altied aeve trouw,,
 En heel de ier van Gelder hoëg ten allen tied;
 Bōrgerie voch dapper altied mei,
 Al waar oük dök hiël ongeliek de zwaore stried.
 As zoë minnig ander stad bezweek,
 As haos verlaore waar 't hiële land,
 In den hoëgste noëd, as gen haop mier waar,
 Heel Venlo toch nog dapper stand!

Ik zal och stadsrech gaeve
 Veur och vaerder laeve,
 Walle waere aangelay
 En versterk oet alle mach.
 Handel zal herlaeve,
 Ik zal mien hölp och gaeve,
 Zit gej now in noöd misschien,
 Venlo zal groët ens zien!

Refrein:

Venlo zal floreere wie nog noeit,
 Ein parel, jao, ein diamant aan Gelders kroën;
 Sterk zal ouk dees nijeje vesting zien,
 Jao det is veur zien dapperheid 't beste loën.
 As d'r taegespoed ouk nog ens kump,
 Dan draag dae mit 'ne lach op och gezich,
 Want nog eeder kier, al waar groët 't leid,
 Haet Venlo zich weer opgerich!

Refrein:

3e Beeld: Ennen hoëge gas.

FLUJAS **SEF CORNET**
 Ennen Heraut Dé Cornet

Flujas Marsch

Goeëj 't werk now aan de kant
 Want d'r is wat aan de hand
 Jonges, maedjes, komp toch gauw
 Dao kump Flujas mit zien vrouw!
 Zit d'n hiële rommel stop
 Hiël de stad steit op de kop.
 Eederein geit now op sjouw
 Dao kump Flujas mit zien vrouw!

4e Beeld: De Grüne!

Grüne Polizei Baer Cornet

5e Beeld: Sjuul kiek waal oet!

Sjuul Tomaat **Wiel Seelen**

Couplette:

Vuul minse hej in Venlo, die kniepen um hiël erg,
 Wannierste die huurs klage, geit dich door bein en merg,
 Ze dörve veur de Prusse haos gaar neet mier op straot,
 Ze kroepe in eur schuulplaats dan en weite genne raod.

Refrein:

Ik kiek waal oet, det ik mich zoë maar neet laot griepe,
 Daoveur is Sjuul Tomaat gelökkig vuel teslum;
 As ander minse veur de Pruussen 't um kniepe,
 Dan loup ik hiël parmantig gauw en strötje um.
 Ik heb 'nen Ausweis fyn van de Centrale Keuke,
 En van de Luchbescherming en 't Roëje Kruuts,
 Ik bin onmisbaar, want ik bin van de Ernährung,
 Det heb ik eur al zeker honderd kier verduuts.

2

Waal zoel ik mich toch kwaele veur zonne fieze Mof,
 Ik heb genug pepeere, heb altied nog gebof;
 D'r kan dich niks gebeure mit ein of and're Schien,
 Enne Pruus dae is now einmaol dom, en wilt belazerd zien

Refrein:

6e Beeld: Verzeihung!

Sjeraar Bolwater **Sef Cornet**
Ennen Braune **Frans Boermans**

2e Tafereel: Op 't Distributiekantoër

7e Beeld: Aafdeiling Inlichtinge.

Ennen Amtenaar Dé Cornet

8e Beeld: 't Geit good!

Fientje **Wies Franssen**

9e Beeld: Wej slaon os door den oozel haer!

Couplette:

1.

Vol ellende is de waereld op vandaag,
 Den oorlog zit eur in de maag, 't is treurig!
 Maar wae now de mood luuet zakke in de schoon,
 Dae is verkoch, dao 's niks mier aan te doon!

Refrein:

Wej slaon os door den oozel haer,
 Make lol, make lol, lache mit os leid;
 Waat ouk den daag van morge brink,
 Des egaal, des egaal, as ouk de welt vergeit.
 Wej zien gein moetsköp, doon neet aan greke,
 Wej kieke lachend in 't rond, hahahaha!
 Wej slaon os door den oozel haer
 Mit en hertje lich, ein blie gezich, want lache is gezond!

2.

Niks te aete is nog lang neet veur de poes,
 Det mak dich waal en bietje koes, verdorie!
 Maar zoëlang den eigen teelt in 't piepke stink,
 Bezinge wej os leid nog det 't klink!

Refrein:

3.

Waorum zoele wej neet lache mit os leid,
 Al waas 't maar oet slummigheid, jao zeker!
 Zumpe en gezichter snieje hōlp os neet,
 Det bringk allein nog maar wat mier verdreet!

Refrein:

3e Tafereel: Den boer op.

10e Beeld: Rule.

Boer	Frans Boermans
Boerin	Toos Engels
En Mevrouw	Bertha Berden Besouw
En erm Vrouw	Corry van Daalen

11e Beeld: Sjanse!

12e Beeld: 't Leid van de Venlose Maedjes

Jonges	Dé Cornet, Hammie Donné
Maedjés	Fientje en Tiny Linders

Couplette

D'n oorlog dae brink os maedjes vuuel leid,
 Wej zien toch werklik te beklage;
 Umdet now de jonges op straot neet mage,
 Zoëlang hej det Sjanse besteit.
 Neemand dae os leid begriepe kan,
 Dao zien wej ouk zoë mismеудig van.....

Refrein:

Waat hebbe wej aan 't laeve,
 't Kan os niks mier gaeve;
 Os jonges zien al maondelank gedaoke
 Gen leef waard wuurd mier taege os gespraoke.
 Wej waere alt van 't treure,
 D'r mot toch iersdaags wat gebeure.
 Wannier wej eindelijk nao den oorlog trouwe,
 Dan zien wej al alde vrouwe!

D'r is gen toneel, neet ens ennen bal
 Wao motte wej os amuseere?
 De kans neet op taertjes dich ens trakteere,

Det is toch en dreuvig geval!
 Bioscope zien d'r ouk al neet,
 Niks waat kan verzaachte os verdreet.....

Refrein:

De dörfs neet op straot vanwaeg' 't gevaor
 Granate vleege um dien oere
 Den doëd steit doorluipend op dich te loere,
 't Schaelt soms nog maar efkes ein haor!
 't Lekker aete is ouk al gedaon,
 Hiël os knap figuur geit nao de maon!

Refrein

4e Tafereel: En zwarte Fuif!

13e Beeld: Alles aeve zwart!

Mina	Sef Cornet
Menier	Frans Boermans
Mevrouw	Wies Franssen
Gaste	Baer Cornet, Funs Donné, Toos Engels, Corry van Daalen.

14e Beeld: Zomersport

15e Beeld: Gekke Dinger.

Politieke Couplette

Vuel gekke dinger gebeure hej
 Dao kan os köpke haos neet mier bej;
 Wej zinge daorum maar eeder wat,
 En hebbe alles in ein book gezat!

? ? ? ? ? ? ? ?

16e Beeld: Standbeelde gevraag..

Aarshertog Albert	Jan Timp
Aartshertogin Isabella	Bertha Berden-Besouw

Duet

In 't Venloos Museum dao is 't zoë röstig,
 Dao's alles verborge oet alden tied;
 Vuel beuk en pepeere die waere bewaard dao,
 Zoë kump d'r tenminste niks van kwiet.
 Ouk de groëte figure oet os historie
 Zuut me zuchtende dao ronddwale wie enne geis;
 Me kan dao neet praote, det is vervaelend,
 Wej zien neet van hej, det kwaelt os 't meis.
 Wej motte zoë now en dan ens d'r oet, ens op de loch,
 Dan hebbe wej veur ennen tiedlank weer mood genog.

Gaon wej dan truuk nao os hukske onder 't stadhoes,
 Och, dan veule wej os weer en bietje toes.
 Wej komme oet Spanje, wej aarde hej neet,
 Wej hebbe 't stadhoes hej vruuger gebouwd,
 Oet dankbaarheid haet me, wie det is 't gebroek,
 Os toen in daen donk're kelder gedouwd.

Refrein

Eeder dae dao in dae kelder zit,
 Dae is maar bang det me um vergit,
 Hae wilt en standbeeld van zien naogelach,
 Dao haet hae vuel te lang al op gewach;
 D'r zien in Venlo now pleine zat,
 Meschien wuurd örges en beeld gezat;
 Dink dao ens aan as gej opbouwe got,
 Alles waat is kepot,
 Niks as plantsoene, det haet geine zin,
 Zit dao en standbeeld in!

5e Tafereel: In 't Gemeinte-Museum.

17e Beeld: En brökske Historie.

Archivaris	Frans Boermans
Goltzius	Dé Cornet
Puteanus	Hammie Donné
Mercator	Baer Cornet
Den onbekinden Dreier	Funs Donné
Tru Bolwater	Wies Franssen
Hofdames	Fientje en Tiny Linders Corry van Daalen, Toos Engels
Schinkemenke	Wiel Seelen

Couplette:

Ik zit hej in mien kluus
 Te midde van de rommel
 En 's nachs um twellef oor
 Huur ik en raar gestommel.

? ? ? ? ? ?

18e Beeld: Ze kriege os neet kepot!

Baer de Woers **Sef Cornet**

Koer:

(Mathieu Cornet)

Waat d'r ouk is gebeurd,
 Onmeug'lijk te beschrieve,
 Venlo det blief bestaon,
 Venlo zal Venlo blieve.
 In 't letste oorlogsjaor

Trof os 't zwaarste lot;
 Ze kinne waal doëd os make,
 Maar ze kriege os neet kepot.

IND VAN 'T IERSTE BEDRIEF.

TWIEDE BEDRIEF.

6e Tafereel: In de Schuulkelder

19e Beeld: Kelderlaeve

Sjeraar Bolwater	Sef Cornet
Sjuul Tomaat	Wiel Seelen
Fientje	Wies Franssen
Kelderratte	Frans Boermans, Hammie Donné, Baer Cornet, Funs Donné, Baer Brüll, Toos Engels, Corry van Daalen, Bertha Berden- Besouw, Fientje Linders, Tiny Linders.

20e Beeld: Luchalarm!

Enne Pruus	Dé Cornet
------------------	-----------

21e Beeld: De Centrale Keuke.

Sjangl	Jean Cornet
Enne Man	Dé Cornet
En Vrouw	Corry van Daalen
Maedjes	Fientje en Tiny Linders

Venlo mot evacueere!

Venlo mot evacueere,
 Is os leid nog neet genog?
 Honger en keld hebbe os al bezoch,
 Wej zien langzaam aan 't krepereere.
 Och, waat mot det nog gaeve,
 Zoë maar jueg me os weg;
 Pruusse speule mit os laeve,
 Waat kump van os terech?
 Want onder waeg vreere wej meschien waal doëd!
 Noeit ware wej nog in zonne groëte noëd!
 Wej motte nao Friesland, wie me zaet,
 Zelfs as me, zien hoes vol kranke haet.
 Al os bezit, waat zoë dierbaar os is,
 Opgespaard in de loup van den tiëd,
 Det zeen wej nimmer truuk,
 Wej waere alles kwied!

Venlo, stedje van plezeer aan de Maas,
Wej bouwe dich weer op,
Moëjer dan deste einmaol waas,
Wej bouwe Venlo op!

Venlo, waat me dich ouk aan haet gedaon,
Wej bouwe dich weer op,
Laot os neet blieve treure,
Wej bouwe Venlo op!

IND VAN DE REVU



SPECIALE

REVUE-RECLAME

aangeboden door de

FIRMA SMEETS-CANTERS

Damesmode - Venlo Lomstraat - Tegelen Grotestraat

Op deze pagina ziet U een groep letters, in totaal 55 stuks. Deze, naar juiste volgorde geplaatst, vormen 12 woordjes, waarvan de eerste vier een krachtig gezegde vormen; de tweede vier geen geroddel, doch klare waarheid verkondigen en tenslotte de laatste vier, één onzer vurigste wenssen weergeven. Het geheel kunt U op ons bedrijf van toepassing brengen. De opgave luidt: tracht de gevraagde woordjes samen te stellen en naar juiste volgorde te plaatsen, vervolgens het geheel, met bijvoeging van deze annonce, via de modestad Parijs, te zenden naar den Weled. Gestrengen Heer Notaris Corten, Kaldenkerweg 3, Venlo. Dit laatste, met het oog op de noodzakelijke controle op de eerste 5 binnenkomende juiste oplossingen. De verzending via Parijs verlangen wij als modespecialisten; dat zulks met eenige moeite inderdaad mogelijk is, bewijzen U de speciale Fransche modenouveauauté's welke reeds dit jaar door onze zaak worden gebracht.

Men gelieve op de enveloppe te vermelden:

REVUE-RECLAME

Inzendingen na 1 Maart 1946 zijn ongeldig.

Voor de 5 eerst binnenkomende juiste oplossingen stellen wij **GRATIS** disponibel

- nummer 1: een hypermodern bontjasje ter waarde van f. 390.— in lichte kleur, natuurlijk naar keuze
- nummer 2: stof voor een complete avondjurk, naar keuze
- nummer 3: stof voor een wollen middagjapon, naar keuze
- nummer 4: stof voor een wollen morgenjapon, naar keuze
- nummer 5: stof voor een ochtendjas, naar keuze

Hier volgen de 55 letters der 12 woordjes, waaronder een hoofdletter.

n a e e d n a e i n
n m n r w e g
a g l d o d e
e a z r e i n d
G n o s k o m t d e
e r e r t e t a v n a a g

U zeer veel succes en geluk toewensend,

Hoogachtend, **FIRMA SMEETS-CANTERS**

De zaak met sorteering.

Lomstr. Venlo - Grotestr. Tegelen